

228567

永樂大典

卷〇三九九

人字

卷〇三〇〇〇

人字

卷〇三〇〇一

人字



四十

72
00
T.4

永樂大典卷之二千九百九十九 九真

人

舞智御人

漢書張湯與趙禹共定律令務在深文拘定職之吏而禹至少府湯為廷尉兩人交驩如兄弟禹志在奉

公孤立湯舞智以御人

趙禹絕人

龔驥開計前漢趙禹傳云公卿相造議禹終不行報謝務在絕知友賓客之請

其意蓋為禹凡有造詣者禹不報謝務在絕人故也顏師古却於不行字下注斷報謝乃屬下又注云以此意告報公卿

才武

絕人

續後漢書曹操傳操嘗私入中常侍張讓室讓覺之操舞手戟于庭踰垣而出才武絕人莫之能害

勇力

絕人

續後漢書毋丘儉傳儉與父欽起兵攻司馬師遣健步齎書至兗州刺史鄧艾斬之時禹餘人兼道前進先趨樂嘉城作浮橋

以待師儉使文欽將兵襲之師自汝陽潛兵就父於樂嘉欽將見大軍驚愕未知所為欽于魯年十八勇力絕人謂欽曰及其未定擊之可破也於

是分爲二隊。夜夾攻。奮率壯士先至鼓譟。軍中震擾。師驚駭。所病目突出。恐衆知之。蓄敵皆破。欽失期不應。會明。奮見兵盛。乃引還師。謂諸將曰。賊走矣。可追之。諸將曰。欽父子驍勇。未有所屈。何苦而走。師曰。夫一鼓作氣。再而衰。三鼓譟失應。其勢已屈。不走向待。欽將引而東。奮曰。不先折其勢。不得去也。乃與驍騎十餘。摧鋒陷陣。所向皆披靡。遂引去。師使左長史司馬班率驍騎八千翼而追之。奮以匹馬入數千騎中。輒殺傷百餘人。乃出。如此者六七。追騎莫敢逼。晉書王濟傳。濟字武子。少有逸才。風姿英爽。筆蓋一時。好弓馬。勇力絕人。舊唐書盧江王瑗傳。武德元年。瑗歷信州總管。封廬江王。朝廷以瑗儒懷。非邊將才。遣右領軍將軍王君廓助典兵事。君廓故嘗爲盜。勇力絕人。瑗倚仗之。許結婚姻。以布心腹。言行龜鑑。李謙傳。有將劉進。勇力絕人。數以少擊衆。并人患之。乃以蠟丸封書。誘進。陽遺其兄。晉帥趙贇得之以聞。太祖即詔謙。薄械送闕下。謙傳曰。此反間也。願以閭門保之。太祖得奏。遽釋進。厚賜金帛遣之。

膂力絕人

續後漢書周魴傳。魴子處。膂力絕人。好馳騁田獵。任俠恣肆。爲鄉曲患。隋書魚俱羅。身長八尺。膂力絕人。新唐書杜伏威傳。

王雄誕。曹州濟陰人。少疆果。膂力絕人。伏威之起。用其計戰。多克。署驃騎。

將

弓馬絕人

北史崔彭仕周為驃騎將軍。上謂之曰。卿弓馬固已絕人。

武力絕人

資治通鑑唐高宗咸亨四年。大將軍李謹行。執鞞人突地稽之于也。武力絕人。為衆夷所憚。

敏悟絕人

新唐書歐陽

陽詢傳。詢父以罪死。詢當從坐。匿而免。江總以故人子私養之。貌寢俊。敏悟絕人。總教以書記。每讀輒數行同盡。遂博貫經史。任隋為太常博士。

白居易傳。居易字樂天。其先蓋太原人。北齊五兵尚書建。有功於時。賜田韓城。子孫家焉。又徙下邳。父季庚為彭城令。居易敏悟絕人。工文章。未冠

謁顧況。況吳人。恃才少所推可。見其文自失。曰。吾謂斯文遠絕。今復得子矣。貞元中擢進士。拔萃皆中。補校書郎。元和元年。對制策乙等。調盩厔尉。

為集賢校理。月中召入翰林為學士。遷左拾遺。

才藻絕人

太平廣記李太白論詩云。梁陳已來。艷薄斯極。沈休文又

尚以聲律將復古道。非我而誰。玄宗聞之。召入翰林。以其才藻絕人。氣識兼茂。

武藝絕人

宋史董遵誨太祖時。為通

遠軍。便遵誨不知書。豁達無崖岸。多方略。能挽強。命與武藝皆絕人。在通遠軍凡十四年。安撫一面。夏人悅服。畢再遇。武藝絕人。挽弓至二石七

斗背挽一石八十步射二石馬射一石五十孝宗召見大悅賜戰袍金錄

識慮絕人

宋名臣言行錄富鄭公居洛葉

第與康節隱居相通公一日有憂色康節問之公曰先生度獨之憂安在康節曰豈以王安石罷相呂惠卿參知政事惠卿凶暴過安石乎公曰然不暇害他人也未幾惠卿果叛安石公語康節曰先生識慮絕人遠矣

聰敏絕人

宋史蔡崇禮傳崇禮妙齡秀發聰敏絕人高宗時為翰林學士

力能絕人

宋史列傳楊存中代州崞縣人魁梧沈鷖少警敏讀書數百言力能絕人慨然語人曰大丈夫當以武功取富貴焉用俯首為腐儒哉於是學孫吳

法善射**拳力絕人**

宋史趙葵傳時與討李全加葵直寶章閣淮東提點刑獄兼知滁州趙范刻日與葵約葵帥雄

勝寧淮武定疆勇步騎萬四千命王鑑扈斌胡顯等將之以葵兼參議官顯穎之兄也拳力絕人

鷖勇絕人

宋史

列傳韓世忠風骨偉岸目瞬如電早年鷖勇絕人能騎生馬駒

聰明絕人

內翰談苑院思道子昌齡長不滿三尺醜

陋吃訥。其聰明絕人。善屬文。年十七。入海州試海。不揚波賦。即席一筆而成。文不加點。其警句云。收碣石之宿露。飲蒼梧之夕雲。又云。三山神闕湛清影。以遲遠。八月靈樺泛寒光。而靜去。全篇皆類此。人多誦誦。其奇才也。

多藝絕人

三槐王氏維錄崇寧中。因語上

仁厚之德。聰明多藝。絕人遠甚。呂吉父曰。大抵人君來處別。不可以世人語也。余深然之。

警悟絕人

宋朱梅庵大全

集李公墓碣。公生有奇質。警悟絕人。年十二三時。賦盆池詩。有疑與月相吞之句。

英識絕人

宋楊誠齋集答雷運

使啓恭惟都運。焯章吏部。一世儒先之冠。四朝俊秀之宗。英識絕人。不待三十里辨外孫之字。名章傳後。咸曰。二百年無吏部之文。

才

器絕人

宋王與鈞藍縷華質。鄭守啓。才器絕人。解十牛。而不墮。襟懷容物。吞八九。夢以有餘。

人君

養人

資治通鑑。唐高宗顯慶元年夏四月己未。上謂侍臣曰。朕思養人之道。未得其要。公等爲朕陳之。來濟對曰。昔齊桓公出遊。見

老而飢寒者。命賜之食。老人曰。願賜一國之飢者。賜之衣。曰。願賜一國之寒者。公曰。寡人之康膚。安足以周一國之飢寒。老人曰。君不奪農時。則國

人皆有餘食矣。不奪糴要則國人皆有餘衣矣。故人君之養合在省其征役而已。今山東役丁歲別數萬。役之則人大勞。取備則人大費。臣願陛下量公家所須外餘悉免之上從之。

困身養人

張行成述衍十三卷。困并共一卦。當十七與十八四九之數。陰陽各

分十八。交而為用。則虛一相遜。故體數十八。用數十七。以事理言之。則困身以養人也。

匈奴厭人

容齋隨筆漢宣

帝黃龍元年正月。匈奴單于來朝。二月歸國。十二月帝崩。元帝竟寧元年正月。又來朝。五月帝崩。故哀帝時單于願朝。時帝被疾。或言匈奴從上游厭人。自黃龍竟寧時。中國輒有大故。上由是難之。既不許矣。俄以揚雄之言復許之。然元壽二年正月。單于朝。六月帝崩。事之偶然符合。有如此者。

以色列事人

西漢書太以色列事人者。色衰而愛弛。愛弛則恩絕。詳見李夫人下。

委質事

人

南史宋沈攸之傳。攸之初至郢州。有順流之志。府主薄宗儼之勸攻郢城。功曹臧寅以為攻守勢異。非旬日所拔。攸之不從。既敗。諸將帥

皆奔散。或呼寅俱亡。寅曰。我委質事人。豈可幸成而責其敗。乃投水死。

直道事人

論語柳下惠為士師。三黜人曰

子未可以去乎。曰。直道而事人。焉往而不三黜。北史。慈明傳。隋開皇十三年。以尚書兵部郎攝江都郡丞。董李密之逼東都。詔慈明追兵擊密。爲密黨崔樞所執。密延與坐。論以舉兵之意。慈明曰。慈明直道事人。有死而已。不義之言。非所敢對。

枉道事人論語柳下

惠爲士師。三黜。人曰。子未可以去乎。曰。直道而事
人。焉往而不三黜。枉道而事人。何必去父母之邦。
以諂事人

資治通鑑後唐明宗紀長興二年初鳳翔節度使朱弘昭詣事安重海連得大鎮重海過鳳翔弘昭迎拜馬首館於府舍延入寢室妻子羅拜奉進酒食禮甚謹

賈瓊問事人
文中子中說賈瓊爲吏事于楚公將行子錢之瓊曰領聞事人之道子曰遠而無舍就而

無諂況乎利而諷之。無令闕其捷。瓊曰。願終身誦之。子曰。終身行之可也。

內恕及人
漢書鼂錯傳錯對賢良策曰。取

人以己。內恕及人。法師古曰。以己之心。揆之於人也。恕己及人。抱朴子內篇微旨卷。恕己及人。仁達昆蟲。陰

德及人
仙傳陶弘景膽恤貧寒拯救危急救療疾恙朝夕無倦其有陰德密惠人莫能知之
鼓下戮

人

西漢博聞岑彭傳。光武收韓歆置鼓下。將斬之。注云。中將軍最尊。自執旗鼓。若置誓。則立旗以爲軍門。并設鼓。殺人必於其下。

面

折人

別釋常談。漢汲黯。爲人性倨。少禮。面折不能容人之過。

至苦媿人

漢高龔遂傳。郎中含善媿人。師古曰。

媿。辱也。

贖人

淮南鴻烈解。齊俗訓于貢贖人。而不受金於府。孔子曰。魯國不復贖人矣。子路受而勸德。子貢讓而止善。孔子之明。

以小知大。以近知遠。通於論者也。曾慥類說。魯法贖人。臣妾于諸侯者。皆取金於府。于貢贖之。辭不取金。子曰。賜失之矣。聖人舉事。非獨通身之行也。今魯國富者寡。而貧者衆。贖人受金。則爲不廉。則何以相贖乎。自今以後。魯人不復贖人於諸侯。隋書龐晃傳。晃遷驃騎將軍。襲爵北陽侯。衛王直出鎮襄州。晃以本官從。尋與長湖公元定。擊江南。孤軍深入。遂沒於陣。數年。衛王直遣是弟車騎將軍元嵩。齎絹八百匹贖馬。乃得歸朝。拜上儀同。賜絲二百段。復事衛王。資治通鑑。唐太宗貞觀五年。隋末中國人多沒於突厥。及突厥降。上遣使以金帛贖之。五月乙丑。有司奏。凡得男女八萬口。

算人

東漢書皇后紀。序漢法。常因八月算人。注云。漢儀注曰。八月。初爲算賦。後曰算人。

利溺人

淮南鴻烈

解說林訓。待利而後拯溺人。亦必以
利溺人矣。利溺人者。利人之溺。得其利也。

嬉戲害人

淮南鴻烈解秦族訓。人莫不知學之

有益於己也。然而不

苛刻害人

舊唐書食貨志。楊崇禮為太府卿。清嚴。善苛刻。分寸錙銖躬親

不厭。轉輸納各折估。漬損。必令微送。天下州縣微財帛。因時不止。及老病
致估。以其子慎矜為御史。專知太府出納。其弟慎名。又專知京倉。皆以苛

刻害人。承主
恩而徵責。

利己害人

黃光太積善錄。先利人而後利己者。君子之用。心知利己而不知利人。常人之

用心。至於害人。以利己者。小人之用心也。蓋小人之。心云為動作。未嘗不
切切於利己。利己之心。既甚重。則不顧他人之安危憂樂。凡可取可奪。以

利己者。無不取奪。往往奪人之食而食之。不恤人之餓。奪人之衣而衣之。
不恤人之寒。太如是者。非利己也。乃所以自害也。損德莫大於此。未見其

有終吉者。予故曰。利己以害人者。小人之用心也。記纂淵海。利己害人
經。季武子成寢。杜氏之葬。在西階之下。夫人蒙。以為宅。子以鄰國為壑。

孟告子。更毀入以自成。左傳。集法吏多少。年磨淬出角圭。將舉汝愆尤。以為己階梯。惟大

以財聚人

東漢書蔡邕傳

聖人之大寶曰位。故以仁守位。以財聚人。

寧我負人

三國志曹操避董卓之難。間行東歸。遇故人呂伯奢。伯奢出五

子。備賓主禮。操聞食器聲。以為圍已。手劍殺八人而去。既而懷愴曰。寧我負人。無人負我。資治通鑑唐僖宗光啓二年。呂用之建牙開幕。一與高駢同。凡駢之腹心。皆通以從已。諸所施為。不復咨稟。駢頗疑之。陰欲奪其權。而根蒂已固。無如之何。用之知之甚懼。訪於其黨鄭杞。盧瑋曰。此固晚矣。用之問策安出。杞曰。曾孟德有言。寧我負人。無人負我。注孟勸用之圖駢。明日與瑋共為一書。緘授用之。其語秘。人莫有知者。

無我

負人

倚覺寮雜記。寧我負人。無人負我。此曹操由中之言也。沮渠羅仇。盧水胡人也。與其兄勰。弼事呂光。光征河南。大敗。勰弼勸羅

仇反攻之。仇曰。理如汝言。但吾家累世忠孝。寧人負我。無我負人。遂為光所殺。羅仇之言。可謂君子。卒不免死。世之小人。益以操言為信。能改齋漫錄。蔡陽呂原明。中年嘗書壁以自警曰。寧人負我。無我負人。

我不負人

資治通鑑後唐明宗紀。長興元年。董璋之

子光業。為官苑使。在洛陽。璋與書曰。朝廷割吾支郡為節鎮也。兵三千。是殺我必矣。汝見樞要為吾言。如朝廷更發一騎入斜谷。吾必反。與汝訣矣。

光業以書示樞密承旨李度。僕未幾。朝廷又遣別將荀咸義將兵戍閬州。光業謂度傲曰。此兵未至。吾父必反。吾不敢自愛。恐煩朝廷調發。願止此兵。吾父保無他。度傲以告安重誨。重誨不從。璋聞之。遂反。利閬達三鎮。以聞。且言已聚兵將攻三鎮。重誨曰。臣久知其如此。陛下含容不討耳。帝曰。我不負合人。朝家負人。

五代史劉巨容大敗黃巢。諸將欲追斬之。巨容曰。朝家多負人。有危難不愛惜。

軍事。卒則忘之。不如從黃巢。為富貴作地。故巢復燃。

度量過人

抱朴子。逸民篇。謂高祖宜其以布衣。而君四海。其度量。

量蓋有過人者矣。

膂力過人

東漢書董卓傳。卓性虯猛。有謀。少嘗遊羌中。盡與豪帥相結。後歸耕。豪帥有來從者。

卓為殺耕牛共宴樂。豪帥感其意。相飲。雖畜千餘頭以遺之。由是健俠知名。為州兵馬守塞下。卓膂力過人。雙帶兩轡。左右馳射。為羌胡所畏。北史列傳。傅永子傅叔偉。膂力過人。彎弓三百斤。左右馳射。能立馬上與人角。騁見者以為得父傳永之武。而不得永之文。隋書李景傳。景容貌奇偉。膂力過人。美顏。

髯。勇善射。

氣力過人

續後漢書。劉封傳。封本羅侯。寇氏子。長沙劉氏甥也。昭烈至荊州。未有繼嗣。養

封爲子。及昭烈攻劉璋。時年二十餘。有武藝。氣力過人。將兵與諸葛亮張飛等。游流西土。所在戰克。益州既定。以封爲副軍中郎將。聰

思過人

魏志杜襲字公良。河南人也。魏太祖以襲爲軍謀祭酒。參大樂事。因今創制雅樂。愛善鍾律。聰思過人。絲竹八音靡

所不能。惟歌

舞非其所長。天才過人

晉書潘京傳京漢壽人也。舉秀才到洛。尚書令樂廣京州人也。共談累日。深歎

其才。謂京曰。君天才過人。恨不學耳。若學必爲一代談宗。京感其言。遂勤學不倦。

學行過人

晉書孫登傳濟陽江

惇少有高操。聞數學行過人。自東陽往候之。始面便終日譚宴。結歡而別。

才能過人

晉書陶侃傳尚書梅陶與親人

曹議書曰。陶公機神明鑒似魏武。忠順勤勞似孔明。陸抗諸人未能及也。

號慕過人

南史齊始興簡王鑑傳鑑性聰

警。年八歲。喪所生母。號慕過人。數日中便至骨立。豫章文獻王聞之。撫其首。嗚咽謂高帝曰。此兒操行異人。恐其不濟。高帝亦悲不自勝。毀

瘠過人

南史梁到溉傳。既遭母憂。居喪盡禮。所處廬闔方四尺。毀瘠過人。服闋猶蔬食布衣者累載。

耿介

過人

世說新語孫休好射雉。至其時則晨去夕反。羣臣莫不止諫。此爲小物。何足甚哉。休曰。雖爲小物。取介過人。朕所以好之。

默識過人

北史齊本紀。顯祖幼時。師事范盧景裕。然識過人。未嘗有所自明。景明不能測也。

識畧

過人

新唐書封倫傳。倫字德彝。以字顯。觀州脩人。祖隆。北齊太子太保。倫年方少。舅盧思道曰。是兒識畧過人。當自致卿相。隋開皇

末。江南亂。內史令楊素討之。署倫行軍記室。泊海上。素召計事。倫墜水免。易衣以見。訖不言。又乃素知問。故謝曰。私事也。所不敢白。素異其爲。以從妹妻之。素營仁壽宮。表爲土工。監規構鴻侈。宮成。文帝怒曰。素彈百姓。爲吾括然天下。素大懼。倫曰。母以爲皇后。至自富。免明日。帝果勞素曰。公知吾夫婦老。無以自娛樂。而盛飾此宮。邪。因大悅。素退。問何料而知。倫曰。上節儉。故始見必怒。然雅聽后言。后婦人。惟侈麗是好。后悅則帝安矣。素曰。吾不及也。素負才勢。多所凌藉。惟於倫降禮賞接。或與論天下事。衮衮不勒。每撫其牀曰。封郎終當據此薦之。帝擢內史舍人。

智算

過人

舊唐書玄宗楊貴妃傳。妃資質豐豔。善歌舞。通音律。智算過人。每情盼承迎。動移上意。宮中呼爲娘子。禮數實同皇后。

推誠過人

圖經張伯儀魏州人。以戰功隸李光弼軍。浙賊袁晁反。使伯儀討平之。功第一。擢睦州刺史。後為江陵節

度使。雖不知書。然推誠過人。軍中畏肅。民亦使之。

聰明過人

曾從類說韓十八愈自是太輕薄。謂李程曰。某與崔

大丞相羣同年往還。直是聰明過人。李曰。何處過人。韓曰。與愈往還三十餘年。不曾共愈說著文章。此是過人也。

俊逸過人

人

宋史太宗謂蘇易簡曰。朕恨不與李白同時。易簡曰。有錢易者。俊逸過人。為文學。數百言頃刻而就。其李白才也。

先識

過人

江少虞類苑李文靖公流為相。王魏公旦方參預政事。西北隅尚用兵。或至肝食。魏公嘆曰。我輩安能坐致太平。得優游無事。

耶。文靖曰。少有憂勤。足為警戒。他日四方寧謐。朝廷未必無事。其後比狄講和。西戎納款。而封禪祠汾。苑講墜典。靡有暇日。魏公始嘆文靖之先識。

過人德量過人

遺事韓琦公判相州。因祀宣尼省宿。有偷兒入室。捉刃曰。不能自濟。求濟於公公。曰。凡上器具

可直千百。盡以與汝。偷兒曰。願得公首以獻西人。公即引頸。偷兒稽顙曰。以公德量過人。故來相試。凡上之物。已荷公賜。願無泄也。公曰。諾。終不以

告人。其後為盜者以他事坐罪當死於市。備言其事曰：慮吾死後惜公之遺德不傳於世也。

敏學過人

宋史司馬

先傳。光子康，字公休，幼端謹，不妄言笑。事父母至孝。敏學過人，傳通群書，以明經上第。先脩資治通鑑，纂檢閱文字。

朴忠過

人

宋史秦檜傳：建炎四年十月甲辰，檜與妻王昏及婢僕一家自軍中還，言殺金人監已者數人。朝士多不信。惟范宗君、李回與檜善，力薦

其忠。檜首奏與捷，頗求和書。帝曰：檜朴忠過人，朕得之喜而不寐。

聰發過人

宋史邵亢傳：亢聰發過人，方十歲，日

誦書五十言，賦詩豪縱。鄉先生見者，皆驚偉之。

才具過人

武林紀事：尚書張定叟才具過人，凡兩尹京政事，大小莫

不曲盡人情。

一節過人

黃氏曰：抄陸象山文甚平，生有一節過人，他人要會某不會，他人要做某不做，愚觀以士

所記皆自信甚篤，獨立不懼之言，可以作人懦氣。然以聖人自處，則未知果如何。陸象山之言學，陳同甫之言治，皆欲等天立地做一箇人，他非所

慚，亦可謂豪也已。

精敏過人

元王惲秋澗集：趙公神道碑，公氣貌魁偉，精敏過人，挺身正路，動以檢押自律，與人

交雖小
信不惑

聰悟過人

仙傳陳搏聰悟過人經史一覽無遺詩禮書數方藥之書莫不通究

英雄

忌人

續談助孫策年十四在壽陽詣袁術始至而劉豫州到便求去表曰豫州何關君答曰不爾英雄忌人即出下東階而劉備從

西階上但轉顧視

膽氣倍人

續後漢書周泰傳孫策討六縣山賊權住宣城使士自衛不能千人

意尚忽畧不治圍落而山賊數千人卒至權始得上馬而賊鋒刃已交於左右或斫中馬衆莫能自定惟泰奮激投身衛權膽氣倍人左右因泰

就戰賊乃解散身被十二創良久乃蘇是日無泰權幾危殆策深德之補春穀表

出糧活人

續後漢書蓋勲傳勲

領漢陽太守時人飢相漁食勲調谷廩之先出家糧以率衆存活者千餘人後去官拜征虜校尉

散粟活人

唐

書李臯爲溫州長史無幾攝行州事歲終有官粟數十萬斛臯欲行賑按掾吏乞候上旨臯曰表人日不再食富死安暇東君命若殺我一身活人

數千金命利莫大焉於是開倉屋散之以擅貸之罪飛章自劾

監決活人

新唐書宇文融傳融于審楊國忠顯政殺